

قصة حياة

جتني ظروفي لكدر مستعدده
 قامت تحدد لي الاحـ زان ميعاد
 مرة مع حظي ومـرات ضده
 واليا تكدر خاطر القلب تزداد
 في دنية خلقت على الناس نده
 مردودها للخير تجرح واجهاد
 إتجني على المظالم وتبيح سده
 واتجني على الظالم تساهيل وامداد
 والصدق فيها مألقي من يعدده
 والكذب يلقي له مع الناس شهاد
 واللي فقد حق عجز يسترده
 يصبح على تسديدة الدين معتاد
 ومسكين من راد الزمن يستبدده
 عيت عليه أقدار الايام تنقاد
 تطرح به الدنيا على القاع مده
 مثل الفريسة والمقادير صياد
 ضاعت حياته في لحاف ومخده
 عدت عليه ايام بغفول ورقاد
 وماله عن دروب الوعر من يصدده
 ولا هو عن دروب السلامات نشاد
 تلطمه موجات القدر فوق خده
 وتخطي به الخطوة من بلاد لبلاد
 حبله قريب وعاجز لا يشده
 يحسب جميع الناس قاصين وبعاد
 عاند حياته لوجياته تحده
 وادي سنينه كلها عناد بعناد
 إصحي من الغفلة ترى العمر حده
 للوقت سجاته وللموت ميعاد
 وهذي هي الدنيا تجني مستجده
 تلقا بها المآزح وتلقا بها الجاد
 قصة حياة ومننا مستمدة
 ويلزمها تنفيذ وإخراج وإعداد
 عشنا على كف القدر فوق يده
 الله خلقنا عباد ونفني له عباد
 ولا حاصل للحي ما كان وده
 ولا حاصل للي يموتون ميلاد
 ويكفيني اني من ظلووه الموده
 ومالي مع الخسران بالدين مقعاد
 وإن جتني الغفلة علي اوقات شدة
 اصبح لها صداد والقلب صداد
 وتقدير ربي مالنا في مرده
 ومعارض لتقديره إشراك والحاد

حامد زيد

